

安徽府縣志輯

中國地方志集成

嘉慶脩天長縣志稿

光緒滁州志

中國地方志集成

安徽府縣志輯 ③④

光
緒
滁

嘉
慶
備
修
天
長

江蘇工業學院圖書館
藏書章

江蘇古籍出版社 ● 上海書店 ● 巴蜀書社

責任編輯 薛飛
封面設計 范一辛
美術編輯 姜嵩

中國地方志集成

安徽府縣志輯③④

出版發行 江蘇古籍出版社

社址：南京市中央路一六五號

發行部電話：〇二五—三二二三四六二

郵編：二一〇〇〇九

印刷 上海市印刷七廠

定價 一九六元


1998年4月第1版第1次印刷

ISBN 7—80519—991—4/K·470

ISBN 7-80519-991-4



9 787805 199917 >



序

國史所以明歷代之興替家乘所以存世系之淵源邑志所以紀一邦之文獻炤示來茲其揆一也天長縣志散佚已久詳愛鄉賢羅氏入關以迄鼎革幾三百年未加修輯惟清嘉慶時縣教諭張公宗泰慨舊志之殘缺懼文獻之無徵乃拾遺釐訂數歷暑寒惜未竣而改官他邑僅草成山川人物數篇以係私慕故名曰備稿內缺風俗食貨兩門雖云未臻完備而所以資後人者厥功亦有多焉百餘年來幾經燹劫其稿猶存竟爲目今本邑纂志之藍本主其事者爲邑明經劉君增齡劉係予同學品端學粹爲同輩敬居常以邑乘未修爲念以故任職以來廣徵博引就備稿缺者補之謬者正之其明年^俊奉命移宰是邦欣逢纂事竣竣將以付槧

補修天長縣志稿序

徵序于予予曷敢以不文辭爲弁數言以誌樂觀厥成云

中華民國二十三年三月十六日天長縣縣長陶 俊謹序

接展手書知前稿已遞省察具荷藻詞志願感愧交榮就審大兄元旋叶吉素履維宜爲慰承囑所更同官同鄉各結縣文到日當卽照轉業經發申矣再吾兄所撰天長縣志足爲是邦文獻之徵想已補輯完備乞將志稿寄交范大令另繕副本以便鐫刻亦吾兄之志也專此布復卽候蒞履附完銜柬不一同學弟左輔頓首

補修天長縣志稿弁言

天長志緒續於嘉慶丙寅冬十月迄辛未秋七月惟貨風俗二
卷未成而宗泰以聞先子計去官先是丙寅春

兩江總督蘇撫夫子將下各縣徵新舊志以備修輯省志採擇
時令天長者爲盧湘綏同年偕取縣之舊志繕閱慨其歷兩甲
子未嘗事閱多闕而譌謬更不可枚舉倘不及時更正補拾後人
解讀官斯土者何爰於是冬先成沿革表一卷次成舊志辨誤一
卷而聖哲一卷以職守所在因亦先之其餘或仍舊志增損或取
諸書見所及補錄至節孝則專資採訪然亦必取輿論會同
耆大分十五類總卷十之爲二十四卷義詳凡例中食貨一
節以田賦戶口支解鹽法事隸有司未經開局無從纂續又舊志
風俗所引乃江淮公共惟田志有闕本邑數言而後之修者刪之

續修天長縣志編目序

蓋以欣際

國朝休養漸仁摩義與數百年前不同不知民俗之盛衰迭爲起
伏如忠質文之遞嬗然觀前此之所由轉卽以知後之有必變不
若存之以爲省勛至於運之所趨必有持其中者方能久而不敝
卽今日之盛而洞微識遠可以豫儲補苴未必非世道人心之益
而要非大手筆莫之勝是以亦從闕如未幾湘綏以待養歸天長
又連值水旱剝削無資愈置此二卷爲緩圖逮前年庚午冬

州牧左杏莊先生以勘災來縣荷承詢及因以未全之稿就正蒙
諭宜以一手續成緣自冬及春仍以查驗饑口奔走茅檐薈屋無
暇剴甯適夏而宗泰遂奉諱歸里此稿亦長爲未竟之業矣今年

春

杏莊先生郵書來云云宗泰又丁役新安爰以凡例目錄先寄范
明府囑其將需縣卷門類彙爲一編未幾范明府旋以事去此志
之修未知何時而未嘗不可爲將來珥筆者之芻蕘也因名之備
修天長縣志稿錄

杏莊先生書冠於首以代弁言而次其凡例目錄於後
嘉慶十七年壬申秋八月張宗泰識

續修天長縣志編目序

備修天長縣志稿

凡例

一四部之目以地理列入史部是府州縣志與史一體也今所修雖未能悉以史爲法而近今之失則不敢仍

一舊志秘始於明景泰朝逮我

朝康熙九年凡五修王兩山謂吳志章畧吾志疏濶邵志王之所修也據序分輿地人事爲兩大綱規模頗整而其書今不可見田序謂縣舊有志前之人去其籍當爲實錄田志則分六款其別類六十江志又依中州例爲三十則約凡經一修必更其舊然要期於當簡固不定增繁亦不定減也而亦有之如星野一門凡志必首列然在地自南而北二百五十里則北極高一度

備修天長縣志稿凡例

東西緯度相去亦然縣之大者以百里爲率在天不及度四分之一區區天長象乎天者幾何而必備引天文志天官書要是吳越所同不亦贅乎又如廣陵前爲江都易王後爲廣陵厲王所都爲揚州志者列入封建可也舊志乃以陳嬰封棠邑侯陳矯父子東鄉侯高平郡公特立封建一門殊爲誤會史例況皆東陽人天長非東陽辨見卷十其帝王門載皇后一條亦然惟南齊書有宋順帝昇明三年詔進齊公爲王封十郡內有南沛舊志却未載然此第爲加九錫之漸且齊之屬郡非曾在曲阜齊在臨淄衛在妹邦可比至帝王一門緣明太祖有幸治山一事然世已有悉其誣者故六合等志俱作九十九峯無百峯事也且以帝王列入邑志亦非體例故酌刪此三門又附山川橋梁等入疆域

列女入人物以省繁冗而別增兵交一門共凡十卷其有非一卷所能罄者則析卷爲上下或上中下而三

一表爲史之一體蓋敘次自有篇法而事之前後驅駕中不無豫書補書閱者頗易皆亂棄以表則原委井然自太史公綴之唐宋諸史因之近來解經家兼采其法例至善也今於沿革職官選舉全譜爲表而學校亦譜建修爲表附卷五上似較簡明節孝一門以有事當序述在閨幽之列未便簡易似詳畧之中有輕重焉

一凡志于各門多以四言韻語爲引殆仿於史漢然彼是總爲一篇敘所以作之意編於末卷志則冠各卷之首未知所從始今於各門既有增刪其門存者篇首韻語固可留之但所增之門

備修天長縣志稿凡例

又須補之恐有掠美續貂之習且如輿地弁言用莽莽皇皇准其肇跡爲起此自用肇基王迹之意在田志爲頌美前明故云然而江志修於我

朝而亦仍之不謬甚乎不如一概闕如以昭畫一至各篇有綱領須發明者仿史體爲散行數言未免效顰然非臆改

一史之藝文自有體例大抵總列書名及其卷數以見一代著述其文章各載本傳自班固以來歷代踵行不知府州縣志何以紛紛將詩賦等俱列入藝文而天長舊志更以前志之序入之尤爲大謬今酌將舊志所載入藝文之詩賦等各繫本人本事歸舊志之序於志末并附入目錄凡例以備考而增收康熙九年以後各名家所撰以續前志雖不能如史分四部而區區百

里著作接踵亦可免城地生才之歎況近年來多士薰陶

聖化人爲根柢之學於經史翼必有日增者

一唐宋各輿地書於州郡均列四至八到若鎮集之在縣境似無庸於一粒粟中現大千世界矣然大牙之入不明不惟山川之綿亘原委易於混淆而舊志之誤據他縣境地入志樊卽坐此考職方以南北東西分九州是台海內而區其四至也既可以用之寰宇者移而施之州郡此可知例豈必拘於大小乎今以施之州郡者移而用之鎮集舉凡近山者高亢川多者卑溼手此一編可以識旱潦之宜於政治不無小補焉況卽輪幅之廣狹以下居民之多寡倘偶遇偏災亦易核借卹借戶之陋習知於良有司必有合者

附修天長縣志稿凡例

三

一志必有圖通例也然圖以紀實與名家之畫不同作畫者橫視理宜近大而遠小而志之圖當如飛鳥下窺遠近停勻庶目治者無殊足涉其式昉於裴秀禹貢地域圖賈耽海內華夷圖大率以方計里胡氏之禹貢錐指顧氏之春秋大事表節師其意最爲精核今新志仿之但廣輪不踰百里圖之方僅可十里計雖未必道里遠近一一與志所載悉符然以人跡登降屈曲之所經繩以鳥飛之道不能無爽明矣閱者尙其量之

一舊志披覽頗備如職官中列郭昭述于丞尉原委見天寶遺事然于正史轉多所臆刪臆增非所以核實也今新志一依正史爲主字句必仍原文或有刪節亦考其上下文使事與文相貫此外亦或兼及他書終以所見者少知多挂漏閱者不吝以所

見增之俾成全書斯則志之幸也夫

一考舊志之序邵志成於二十日江志始於秋杪成於冬仲歲事誠爲迅速然迫於時日未免瑕瑜不掩邵志雖不可見而田志則屢引王心氏曰是田江兩志凡考古皆本之邵志居多大抵前明重科舉之學而考據多疏後之修者又惟知增補時事奉前作爲科律遂致沿誤又一百三十餘年若芻蕘去其誤於所以誤置而不論將有疑爲漏收者故有門可附之卷卽辨於本卷事下其本非天長之事而舊志誤收無門可附別爲舊志辨誤一卷附於志末均本歷代史爲主不敢以私意偏見混淆黑白雖然粉飾者難爲功繼起者易爲力後之視今亦猶今之視昔此志成後尙望博雅家有以釐其譌舛庶足以成一邑不刊之典

附修天長縣志稿凡例

四

一舊志類以修志之時現存之人入傳或其才學品行自足垂世故不能割愛然於界限頗疏茲新志除節孝已奉

旌表及年例合者不拘存歿均行載入以維風化其餘各門則以已往之人爲斷恐去取之閒或涉于私也卽職官之傳亦然閱者諒之

一舊志仍前例凡廨宇倉庫壇壝祠廟寺觀山川橋梁井泉市鎮陵墓古蹟等各以類編新志以天長地狹入志之事無多分類徒滋揭頁併入疆域以別于類書雖於近今府州縣志未免獨異然於檢閱良便且仍各地志之例也

一修志全資文獻天長之志不修者一百三十餘年雖有耆年已

與前志不相接矣惟恃有筆之書者憑之以爲考證補苴較臨時之採訪爲可據天長自

國朝以來名人輩出而著作可資於志者頗少惟程存寬吳文淇二明經之一鄉集石梁人文可徵獻于文施孝廉廷琮之筆談可以徵事而鑑堂太守月根孝廉兩王君均於舊志有筆記孝廉所記尤爲有關鄉里新志中除前數卷外頗資之云

一修志者類將自作詩文編入志中或出分校者之傳會或冀有青雲之附均未可知然珥筆者方於新舊之交剛所當刪除節孝一門不待蓋棺論定其餘尙不敢以現存者入之凡以昭謹嚴也而況一己文詞之末乎且雕蟲本非所長闕者幸無嘉其藏拙是所望焉

續修天長縣志稿書後

右志稿十卷以未經開局僅草成以備後來之采擇何生榮謂有關邑中一百五十餘年掌故之闕因請於今學博家竹南先生將其尊人哲士明府嘉慶中輯公存備修理

崇聖祠積年之項移以授梓閱三年而竣書成時劉生湘謂辨誤中其祖名位公一條非是其祖實天長人墓在城南門外石翁仲等尙存此在粉稿時本非立有成見不過就史冊所載證之然據代言之載籍不如據自言之子孫特是縣之有志始自明初去宋時未遠竟未載及其墓迨後至



本朝共凡四修亦俱闕如斯前志之疏也而稿已梓成無從屏入因將卷十中一條刊去而特叙其由於此以質後之秉筆者又此


稿成於嘉慶辛未迄今道光癸未又逾星一周矣中間若明倫堂之更新泮宮前影壁之立

文昌祠後殿之建人物中蓋棺論定如戴孝廉蘭秀之孝行吳秀才泰交之誠篤董明經健修之好義王學博兩春之才守彰著均可入志而選舉則公牘可稽節孝符例請

旌外尤不乏人若壬午科之大魁尤爲一邑盛事凡此皆未及載入各門考從前邑乘之修皆出自本地據筆鉅公安在古今人不相及乎虛左以俟勝不歧予之望焉

道光三年夏長至前一日張宗泰又識






墓女孝黎 池桂月


學宮圖

樓崇筆

祠賢二

國廟隍城





備修天長縣志稿

目錄

卷一

建置沿革表

卷二上

疆域一 城廂附圖三

卷二下之上

疆域二之上 橫山以北入湖之水所經各鎮附圖一

卷二下之中

疆域二之中 橫山西治山及六合諸山北入官河之水所經各鎮

卷二下之下

備修天長縣志稿目錄

疆域二之下 來安盱眙以東入湖之水所經各鎮

卷三上

食貨 戶口田賦鹽法支解

卷三下

物產

卷四上

風俗

卷四下

藝文

卷五上

學校 一文廟又建修表附圖三

卷五下

學校二學館書籍樂器學田

卷六上

職官表一

卷六中

職官表二

卷六下

職官傳

卷七上

選舉表一

卷七下

備修大長縣志稿目錄

選舉表二

卷八上

人物傳一孝子忠義名宦才節獨行隱逸技藝流寓

卷八中

人物傳二孝女孝婦貞女烈女烈婦

卷八下

人物傳三節婦賢媛才媛

卷九上

兵交

卷九下

災異

卷十上

志餘

卷十中

舊志辨誤

卷十下

舊志序及修輯姓氏凡例目錄

備修大長縣志稿目錄

備修天長縣志稿卷一

修職郎安徽直隸泗州天長縣教諭 覃恩加二級張宗泰撰

建置沿革

天長縣置於唐之中葉初曰千秋自是而上曰石梁曰永福又曰石梁省入石梁者曰橫山石梁之先曰沛曰涇州又曰沛曰肥如梁陳兩代無地志隋志所載直接南齊其舊曰沛者卽齊宋相承之沛而沛分自廣陵治肥如故縣宋志云肥如晉末僑置不言在何縣地據永初省肥如併廣陵疑如後石梁之與六合分省係本一地今盱眙縣境有東陽故城舊志因其在縣之西界按東陽故城實界亦誤遂引東陽人物入志舊志所引東陽人物尤非一地辨見十卷夫東陽自晉以後俱屬臨淮臨淮至齊方無實土而東晉已置肥如則天長不得與東陽

備修天長縣志稿卷一

相沿明矣唯梁嘗於涇州立涇城東陽二郡郡名與縣名偶同疑其界或有犬牙相入處但他無可證故通典及太平寰宇記均據城之所在列東陽于盱眙縣下而記專以天長爲漢廣陵縣地然唐天寶元年史載其割江都六合高郵三縣地置千秋縣何以稱焉考省石梁入六合在貞觀元年而分六合置石梁縣在武德七年永福縣之廢當在其前隋志永福縣有永福山香山永福山富卽今之冶山說見卷二山在今天長六合儀徵三縣之交太平寰宇記引郡國志六合下載石梁溪銅城鎮及梁於石梁立涇州史所云省入六合割六合置者當在此又檢江南省志以爲橫山建縣之地在六合之橫山揚州府志儀徵下橫山亦云是南北朝時石梁等縣實南入今之六合儀徵界而歷代史無省石梁等縣入高郵

之文大抵未省入六合以前東南較今爲遠而北縮于今是考天長沿革於唐天寶以前實隸六合第與漢之堂邑南北朝之尉氏秦郡本境有別而統計兩漢以降俱兼高郵僅以廣陵言之猶爲未備又舊志謂江都廣陵並列爲縣廣陵未必附郭引中都志云云附會今之天長縣城卽廣陵城殊好奇而不之考因通考沿革以著于表並

表
國朝之州省以明所隸暨歷代郡國州以備考焉

縣	郡國府州	州省
唐	考見後	揚州
虞	考見後	揚州
夏	考見後	揚州
商	考見後	揚州
周	淮南夷境 吳始封在江之兩壽夢以今據江漢之詩定爲淮南夷境萬餘州有淮夷則淮之南北有夷當自唐虞以來皆同	揚州
春秋	吳境 春秋魯襄公五年齊周王四年仲	吳國
地可	知	

戰國 楚境 史記趙世家句踐已平吳滅吳後八年實	周元王三年以淮上地與楚 楚世家亦云越滅吳而不能 正江淮北楚東侵廣地至泗 上正義曰江淮北謂廣陵徐 泗等州也是楚惠王十四年 年江淮間即爲楚境不待周 顯王三十五年楚併越之後 也及懷王十年遂滅廣陵	秦	廣陵縣境 按史記併諸小縣案	集爲大縣縣一令在秦李公 十二年是縣爲秦制雖諸侯 縣公之文見于左丘明莊王 之語及咸陳而縣之見楚世 家惠王八年然六國表楚懷 王十年滅廣陵已否爲縣未 有明文今縣名斷自秦始至 高郵縣始見漢志而舊爲秦 之郵亭亦見太平寰宇記但 未知所據考秦制十里一亭	脩修天長縣志稿卷一	疑卽廣陵之郵亭也故于秦 祇寄廣陵道漢始併列高郵 焉	楚漢	廣陵縣境	東陽郡 史記漢高帝六 年以故東陽郡 郭郡吳郡五十三縣立荆王 水經注廣陵城楚漢之間爲 東陽郡又漢書注張敖已東 陽郡今廣陵郡是未爲廣陵 國楚漢之間實先爲東陽郡 而廣陵縣爲郡治又所屬有 東陽縣故城在今盱眙 縣境其縣齊以後省	漢	廣陵高郵二縣境	高帝六年屬荆 漢志	徐州	高帝十一年更屬	吳景帝四年更名	江都武帝元狩三
--	---	-----------------	--	--	------------------	--	------------------	--------------------	---	-----------------	-----------------------	--	------------------	-----------------------	-----------------------	-----------------------

又高郵縣境		宋	永初肥如省併廣	廣陵太守又南沛	南兖州刺史
陵爲廣陵高郵二		太守	按宋志有沛有北沛有南沛徐州刺史下		
縣境大明五年分		沛郡太守云本秦泗水郡漢高更名爲廣陵徐州江左改配			
廣陵爲沛郡治肥		領廣相沛二令又南徐州刺史部永初二年郡國志有南			
如故縣爲沛縣		宋見沛郡文帝元嘉中分南沛爲北沛南沛而南沛屬南			
志南沛太守下南		又廣沛郡文帝元嘉中分南沛爲北沛南沛而南沛屬南			
沛領縣三蕭相沛		徐李武大明四年併彭城領縣十二是徐州所轄者本舊			
陵高郵二縣境		既接郡南沛立自晉成帝半宋文帝又分北沛屬南兖州者爲北			
省肥如入廣陵則肥如		故縣之沛縣如廣陵地屬肥如			
如可該廣陵地屬肥如		沛郡南沛自屬南兖州又大明四年併彭城則南沛北沛俱			
州爲石梁爲永福及分六合		廣也其南兖州刺史下云諸			
爲石梁省石梁入六合俱未		舊當郡縣何志又有北沛領			
言及廣陵而後乃有析江都		備修天長縣志稿卷一			
六台高郵置千秋縣之文則		符離蕭相沛四縣南沛太守			
今之天長境在當日明別有		下云何志云北沛析立徐云			
與江都併入處放於此		南沛永初郡國志又得離沒			
乃並列廣陵下仿此		竹邑杼紉四縣杼紉治無錫			
		徐李治廣陵文帝元嘉十二			
		年以北沛郡竹邑併杼紉起			
		居注李武大明五年分廣陵			
		爲沛郡治肥如縣時無復肥			
		如縣高是肥如故縣處也領			
		縣三蕭相沛按此即大明四			
		年前之北沛但以前係屬立			
		無實地又其時尙爲肥如縣			
		至五年肥如久省入廣陵郡			
		遂分廣陵爲沛而太守則別			
		爲南沛也齊書有沛有南沛			
		無北沛北徐州下沛郡沛三			
		縣蕭相沛則宋志徐州刺史			
		部所轄爲漢書郡南兖州下			
		南沛郡領沛蕭相三縣與宋			
		志同即治故肥如在今天長			
		之沛郡是沛郡即南沛也在			
		大明四年本廢以前爲分南			

五

齊		沛縣又廣陵高郵	沛郡即南沛治沛	南兖州
二縣境		縣如宋廣陵高郵		
梁		涇州	屬廣陵郡	州郡皆治本城廣
涇州		志不言置涇州永福		
涇城東陽二郡而下即云陳		州郡二郡爲沛郡及南陳		
備修天長縣志稿卷一		陵屬廣陵郡高郵		
六		別爲神農郡		
齊		二郡又廣陵縣及		
於高郵置之神農				
郡		隋志高郵下置大樂		
郡境		郡界以有縣禾爲神農		
郡境		增二縣二縣天長水		
北齊		涇州	本城自爲州郡同	東廣州
涇州		按潘樂相樂字相貴		
樂相侯景發石龍南度百餘		里至樂涇州涇州舊在石梁		
樂獲其地仍立涇州以文宣		紀考之時天保三年也又段		
紹傳北齊書其父樂傳		天保五年樂將殿超達等逼		
陵屬廣陵郡高郵				
上時於廣陵並置				
廣陵江陽二郡廣				
陵屬廣陵郡高郵				

涇州又陳武德中李密攻廣 陵自將步騎倍道赴涇州 本縣下即廣陵併二縣云云 今據潘汝二傳補之又潘 為涇州亦見本傳又按潘 石梁為一境然潘紀永建三 年潘州刺史潘紹自潘州 圍涇州侯景起出石梁為 其營又陳紀卷五宣帝紀 大建五年四月甲子南蕭太 守餘獲克石梁城五月己巳 石梁城陷六月癸丑蕭軍內 史程文季克涇州城是涇州 與石梁不反故潘梁之涇州 與石梁而北齊仍立之涇州 與石梁與陳故潘梁傳云 舊在石梁東北齊既立涇 州潘名梁之涇州為石梁此 涇州石梁所 以吳文典									
涇州東陽 備修天長縣志稿卷一									
一郡又廣陵縣及 神農郡境									
廣涇州併涇城東 郡縣同城廣陵江 南兗州									
陽為沛郡仍為沛 陽並置同前廣陵									
縣陳書為大建五 年克石梁涇州併置又 屬廣陵郡按隋志不 之二縣下即陳云廣陵初郡 廣陵縣及神農郡 按梁承聖三年高齊天 保七年於自大監元年 江陽明矣 高郵仍別									
境 至承聖三年凡五十二年前 涇州入北齊北齊自天保五 年前涇州入陳陳自大建五 年克石梁涇州至十一年 十二月南北齊及好陽等九 州自被陳京師而淮南之地 盡入于陳凡一境屬陳兵卒									
仍別為神農郡									

後周 改沛郡為石梁郡 郡縣同城廣陵江 吳州									
改沛縣曰石梁縣 陽並置同前廣陵									
省橫山縣入焉 屬廣陵郡高郵仍 別為神農郡									
置橫山之年亦不別見惟據 州府志於陳微縣四三十五 里七鄉橫山下注云元龜置 橫山縣山陽縣屬之陳天監 中應相輔昭明太子蕭賢章 也江南省志亦於六合橫山 下云歸是置縣在六合微縣 之界非天長境內之橫山特 高齊未受陳以前元龜之境 不得至江表即道武南伐而 臨江不過月餘未必即置 縣二志之言恐是陳度情附 志亦不明析因附書 以俟博雅者訂之 又廣 備修天長縣志稿卷一									
隋 陵縣及神農郡境 江都郡 徐州									
開皇初廢石梁郡 大業初改縣名永 江大業初 廢陵曰邗 更名江都 高郵 陳書初 郡又併竹塹三鄉及 海陵之屬海入焉 二縣									
唐 武德七年分六合 縣置石梁縣 乃舊名 而唐初分六合置縣隋初即 省石梁入六合而隋志未詳 故於六合僅云舊石梁方山 人為至永徽乃廢石梁名宋 改置江都為南兗州六年補									
武德七年以石梁 淮南道 武德六年以前 九年為揚州大都督府貞觀 十年改大都督為都督龍朔 二年依舊大都督府 乾元以後置節度使									
六合二縣置方州 改南兗州為邗州									